



24. september 2009

Inatsisartut Forretningsorden-iani § 36 imm. 1 tunngavigalugu Naalackersuisunut una apeqquateqaatiginiarpara:

Naalackersuisunut apeqquateqaat:

Qeqertarsuup Tunuani illoqarfinni Qeqertarsuarmi, Qasigiannuani Kangaatsiamilu timmisartuussisarnerit pitsanngorsarneqarnissaat pillugu Naalackersuisut qanoq pilersaaruteqarpat, taamaalillutik ukioq kaajallallugu timmisartumik tikinneqartalersillugit?

(Inatsisartunut ilaasortaq Andreas Uldum, Demokraatit)

Tunngavilersuut:

Naluneqanngitsutut 2006-imi januaarip aallaqqaataani angallannerup ilusiligaanera nutaaq atuutsinneqalerpoq. Angallannermut ilusilersuineq ataasiinnarmik periarfissalik, tassa isumaqartoq piviusunngortinnerani angalanissamut periarfissamut ataatsimut taamaallaat tapiisoqartassasoq. Qeqertarsuup Tunuanut isumaqarpoq, angallassineq aasaanerani maajip 16-ianiit novemberip 30-ianut umiarsuarmik ingerlanneqartassasoq, ukiuuneranilu decemberip aallaqqaataaniit maajip 15-iata tungaanut helikopterimik ingerlanneqartassasoq.

Nalunngilara Qeqertarsuup Tunuani illoqarfiit helikopterimik angallaviginissaat umiarsuarminngaanniit akisunerusoq, aamma nalunngilara aningaasartuutit taamaattut pillugit qulaani taaneqartutut aaqjissuussisoqarsimasoq.

Qeqertarsuup Tunuani timmisartuussisarnerit annikinnerujussui peqquataallutik ajoraluartumik innuttaasut amerlasuut angallatiminnik assigisaannillu angalasarput, angallatit taakku navianartorsiortitsisinnaagaluartut. Tamanna tulluarsorinngilara.

Neriuppunga apeqquateqaatiga tunngavilersorluakkamik akineqarumartoq, Qeqertarsuup Tunuani illoqarfinni taaneqartuni ukioq kaajallallugu timmisartuussinissap aningaasartuutitassai Naalackersuisunit ilanngunneqarlutik. Qujassutigissagaluarpara aamma Naalackersuisut tunngavilersuisinnaappata sooq illoqarfiit ilaanni (uani illoqarfiit ineriartorfiunerpaasut sisamat eqqarsaatiginngilakka) ukioq kaajallallugu timmisartuussisoqartarnersoq, illoqarfiilli ilaanni taamaattoqarnani.

Apeqquateqaatima ullut suliffiusut qulit qaangiutsinnagit akineqarnissaat qilanaaraara.